

渭南文集卷第一

山陰陸游

綫裝書局

務觀

表

天申節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝
中賀恭惟太任繼愈署簽



受命溥將

宋集珍本叢刊

第七十五册

靈承于上帝臣方馳使傳阻綴朝班望睟表

四川大學古籍整理研究所 編

儒藏系列

宋集珍本叢刊

第七十五冊

任繼愈署簽



綏裝書局 中國·北京二〇〇四年

新加坡
PDG

第七十五冊目錄

平齋文集(續)	洪咨夔		一
平齋文集	清同治刻本 洪咨夔		三〇九
空同詞	洪瑑		五〇七
野谷詩藁	清鈔本 趙汝鎰		五一
安晚堂詩集	宜秋館刻本 鄭清之		五五三
南海百咏	清康熙鈔本 方信孺		六一
西山先生真文忠公文集	明正德刻本 真德秀		六三七

平齋文集卷第五

詩四

次楊瀘南以前區字韻送行

水穩風涼快長年歸帆東指白雲邊落花款段兒
能御薦草烏捷手自牽蜀口戍兵誰飽飯淮頭編
戶幾安眠野人只願羣賢進輻湊良籌到上前
萬里來鴻未有書社前歸燕與人俱漲痕落後抗
巫峽風力高時畧太湖深愧平生嗟靖節一斥天
下望夷吾延英入定中興業早震天聲到鬼區

岑公洞

洞從開闢有翁獨擅真清磴古蒼苔澁巖空細溜

平齋文集

卷五

宋集珍
本叢刊

明誰刊新即事盡剔舊題名太息今猶古江山不
世情

開濟堂

魚復平沙漲夕陰紅旗影底老蛟吟窮今亘古三
分恨托地撐天一寸心過雨斷雲閑絕壁涼風歸
鳥急平林江山難着醒時眼有酒如澠放手斟

東屯

桺確嶽岑轉百盤峽天深處得平寬秋風策策蘼
花老暮雨蕭蕭稻子寒仁者樂山心本靜碩人在
澗體俱胖農家不解詩翁趣只道豐年了納官

高齋

江潯行厨轉關頭細路過手摩如象石目送臥龍
坡駢髯雲端栢鬚髯雨後莎晚來晴更好舟發亂
山阿

中秋秭歸岸下

出蜀趨吳第一州夕涼隨意繫扁舟十分人鮓甕
頭月一片水晶宮裏秋夜氣長存號老鶴天機自
動舞潛虬得歸到處皆佳思不問西風解白頭

懷程及甫二絕

撒債梢渦穩下舟狼牙鹿角又黃牛兒曹脫險謹
嗽甚數到家山十二州

石馬門前萬里迴向人似亦笑顏開獨尋舊日題

平齋文集

卷五

宋集珍
本叢刊

詩處却恨騷翁不共來

獨醒亭

今來古往江山老地盡天窮草木愁爲問大夫能
飲否芙蓉落盡菊花秋

溫泉院二絕

老火欺人客路長艤舟取次浴溫泉湯犬鳴三峽夜
逾靜月上四更天始涼

神虎護泉寒翠壁靈虬吐沫暖冰壺玉環不碎征
塵裏更引三郎到古渝

劉家江阻風二首

動地千牛力行天萬馬聲溟濛迷太極浩蕩送平

生夢與屏幃元心隨盞缶傾黃頭多著纜作止候三更

歲月孤槎轉風波斷梗隨謝三元自慣異二莫相欺沙岸往來拍蘆花開闔吹欠伸呼斗酒一笑酌馮夷

千竿夾

方雨江流紅未霜蘆花紫寂寂遠帆來拍拍晴鷗起

包港風濤二首

彌百丈幾牽掣斷鐵三脚已撼搖浮陽侯戲劇何須爾身世從來等一漚

平齋文集

卷五

三

宋集珍本叢刊

顛風立海雷轟柁駭浪翻天雪壓蓬夜半乖龍酣戰退一奩冰鑑本來空

寧宗皇帝挽詩二首

虛已堯黃屋清心漢弋綈乾符開太一坤軫拓全齊鎮國天球在賓空寶仗迷歷年施澤久四海哭遺黎

德粹三靈接功成萬國雍方培豐水芭忽躋鼎湖龍廟號追文考陵名冠世宗微臣趨覲晚灑涕續車攻

送章君範之湖南幕

天闊孔鸞起江晴荃若春親榮知有子主勝信宜

賓嶽麓盛古學衡山多秀民平生金玉質更看濯磨新

寄題成都張宰壓雲樓二絕

清霜戒曉日將出急雨報晴雲乍開庭下簿書渾引卻獨指雙眼上樓來

氣如軻也生於義道似參乎任以仁乾蓋坤輿猶塞破何難壓倒王嶠峴

送杜陽安奉親還蜀二首

訪落方勤止而翁苦掉頭立幾遺世獨行盍為王留日月馳雙轂乾坤寄一舟勿緣歸計得忘却緯邊憂

平齋文集

卷五

四

宋集珍本叢刊

買我歸吳棹揚君汧蜀旃雖為萬里別端有一家綠臘雪添新漲春風減舊綿江山隨處好橫槩小留連

和高續古省中雪

升平見一斑未臘得三雪天開銀色界人立水晶闕小團醉後煮清夢梅邊說莫道石渠春不似山陰月

省中和何子溫見寄

東風婉婉燕來雙禁漏無聲萬綠香寶鴨炷雲朝太紫玉螭挹露校鈿黃聖賢不斷千年脉宇宙長存一點光老鶴也知虛靜好夜深踏月上脩廊

和何特夫見寄

人從萬里蜀天歸御柳藏鴉絮又飛風細爐熏搖穗直日長漏箭出花稀九重旰食圖無逸四塞宵征賦采薇愛國書生心更苦夜占列象候璿璣

送秦秘監還蜀二首

岷峨人物古淮海姓名香識面歲華晚論心春晝長有懷胡去國無媿好還鄉呼酒犒三老柁樓天正涼

蜀產班行幾分符又去之氣宇吞落日心定發涼颺蠅虎攫何壯蝸牛升更癡見幾能許早別思渺江蘼

平齋文集

卷五

五

宋集珍
本叢刊

送張行父守贛二首

覺是聖賢脉復為天地根典刑諸老盡文獻幾家存露下鶴先警風高鴻獨騫一時京洛價知有魏公孫

南斗一帆外西風千騎頭莫嗟中落落須感上休休賈誼詞林曉陳蕃墓草秋經行拚斗酒為浣古今愁

送客一首送真侍郎

風雨寂歷蘆荻秋梧桐落盡斜陽收孤鴻影斷蒼莽外愁絕送客濤江頭客心恰似濤江水夾岸擁沙潮不起海門一線拱觚稜無聲夜到龍山尾重

雲壓江秋陰陰千古送客非斯今有酒可別不敢斟天乎天乎知客心天乎天乎知客心

和續古蜜木

參桂齊名骨自香百花釀醕助甘涼含金咀玉風標別消得有吾為發揚

贈小兒醫

忍飢覓句孟東野守寂草玄楊子雲囊有遺書無與讀兩家恨不早逢君

和續古謝送墨

黑月驚雲脫太清海風吹上筆頭輕瑣窻冷透芙蕖碧定有新銘到九成

平齋文集

卷五

六

宋集珍
本叢刊

題鍾春伯所示周昉明皇對弈圖

寶欄十二午陰移思入雲霄落子遲當局早知提醒着危機應不墮蛾眉

乙酉六月十九日應詔言事九月一日去國一首

日去國一首

黑風吹雨出長安破帽騷騷怯暮寒不得之乎成一事却因而已失三官人心天理推詳易世路交情點檢難白髮老人經事慣教兒只作博投看

丙戌天基節自至道宮趨寶福院寒甚

朝謁千秋節攀援萬歲藤山明松戴雪澗澁石懷冰清壯髯還戟酸癰面亦稜暖寒能破戒珍重虎

溪僧

大人用韻再一首

靜裏栽梨棗閑邊話葛藤綠塵還我雪世態任渠
冰宿丹芽渾脫新禽語摸稜年華催鑷白自笑禿
於僧

乙酉歲暮有感 三絕

罷參歸趁日高眠隨意繙書不計編歲事從教催
白髮春風元只在丹田

精神收召入腔來水色山光面目開可惜行窩新
失伴雪晴未忍說尋梅

樽酒團欒里社情眼中忽不見公榮祇應天體如

平齋文集

卷五

七

宋集珍
本叢刊

雞子地下人間共月明時晴甫
初逝

敬和 大人新年韻

井渫得泉終必食睽弧遇雨更奚疑毋庸伊尹要
三聘且學顏淵克四非勢去鐵鞋無處覓志亨金
印有時纍梅花結子桃花發爛熳春風醉典衣

梅

寒瓶虛插一枝斜留待春風放霽華已信不冰方
着水可憐欲槁更開花
繁芳王立夾胡床勾引春韶午夢長有眼盡迷空
裏色無心方識定中香

又

竹屋茅簷一樹斜冰霜意氣蓋韶華有餘不盡如

知道半已青青半尚花

桃花紅豔照銀床黃入金明柳線長欲與晚梅相
輩行同時到底不同香

挽禮上人

盤屈虹蜺氣空山老白雲酒因陶令買芋爲鄴侯
分甘露門知味毗耶藏著勲南軒無復見巖卉自
清芬

和開之社日

久要來新燕簷花泣曉霏治聾慙舅醉廢讀情孫
歸鵲突輪贏局醒鬆脫着衣一簾春寂寂誰解識

平齋文集

卷五

八

宋集珍
本叢刊

吾機

春事

莫爲春愁兩鬢翁管愁元不屬春風深黃楊柳夕
陽外淡白杏花明月中大自在身天地並妙光明
性聖愚同鳴鳩乳燕相料理融得從前萬慮空

寒暄不齊 二絕

社後歸來燕兩三門前細柳綠摻摻乞將蝴蝶蜻
蜓扇與試鵝黃水碧衫
次第新烟欲試茶錚錚飛霰響簷牙惜春苦欲春
長在且得輕寒約住花

敬次 老人即事

韶華九十恰平分過化中存一點神草脫燒痕非
故色梅收花事又新人正襟危坐三靈會擁鼻長
謠萬象賓酬荅風光惟辦此可能春夢到天津

清明二絕

梨花匝匝不見葉柳穠玲瓏初欲綿寒食清明等
閑過日長翻覆壓書眠
風將好夢到蘭亭驚覺虛簷九子鈴老眼醒來無
着處倚樓檢校樹頭青

次韻西塢道庵

芳蹊幾曲重行行塢裏曾陰塢外晴秧馬鬣髻和
雨種蔣龍菌蠹帶煙烹黑風動地前程暗白日行

平齋文集

卷五

九 宋集珍
本叢刊

天內景明却愛道民無別解一杯春茗雪花輕

雪歎二絕

唐時三月十八雪况復今年多一旬萬紫千紅渾
過盡茶蘼蒲架與爭春

桑穎騷騷麥又萎雪花如挽雨如絲老天只解苦
黔首快活貴人那得知

桂子次韻贈阮甥

一樹青青桂子榮廣寒宮殿玉爲楹不知天上何
年墮故使人間有種生風影碎搖籤帙爽露華倒
洗筆頭清寸田更與加培植收取天香染姓名

次韻雙桂

物理無枯底有榮一雙玉樹倚脩楹長如拱壁天
球在元共交梨火棗生卜築地連盤谷勝賦歸人
占小山清晝陰最喜添新綠時有佳禽自薦名

閑居

暑設青練幕晴更皂葛巾家貧猶氣象人老亦精
神蜂鬧花生計蛾翾繭化身靜中觀物變同是一
天真

鍾惠叔轉示趙臨安兩山堂諸公詩刻

隨喜二首

兩峯高峙王五畝秀含滋細柳未眠種脩篁方醉
移雨將雲出谷水引月歸池動靜天機密何人共

平齋文集

卷五

十 宋集珍
本叢刊

一卮

采頤常逐逐觀復自休休靜畫青竹笋深春黃栗
留覺圓熏穰直夢破茗華浮爲問連山易床頭好
在不

燕巢

華堂橫架晴虹壯來鳳結巢長一丈中間顛顛燕
樓勢兩旁坡陀翼城樣相攸爾居莫此樂得意鳴
聲相下上同時啐啄三四雛盡日往來千百餉欲
飛未飛翅羞澁似定不定踉蹌漾施施引赴女牆
行戢戢教升危堞望黃金鑄印分裏有何用芹泥
呈瑞象事見主人長健燕長歸但願春風不相放

浮溪周居士挽詩

野水崗頭屋春風竹裏厨所安仁者靜其樂道之
腴遺逸盍徵詔耆英空畫圖詩書根氣遠叢桂蔚
相扶

次韻子有賦著圖書所

富兒種厄敵封君貧翁結柳呼奴星物理虧盈蛇
夔蜺惟有讀書可以逃天刑守玄老死天祿閣巧
宦三入承明庭人生得失雉梟盧惟有知道可以
垂芳馨嗟予鈍甚爐底鑛陶寫淬濯誰為刪買書
充屋手點勘杞菊門巷槐花零九流七略宗六經
大川小滄超東溟騷人墨客幾汗青秦姬趙女爭

平齋文集

卷五

十一

宋集珍
本叢刊

九日

老無擘畫笑柴桑兩眼惺惺菊自黃渠更笑人無
菊把拒霜相對過重陽

荅子有

裹飯無人過子桑拒霜一徑雨昏黃花根記縛西
湖纜紅淺紅深醉夕陽

夫容

向背有深態纖穠無定姿最憐花脫後全似蕊包
時

荊公

君臣一德盛熙寧厭故趨新用六經但怪畫圖來
鄭俠何期奏議出唐堦掌中大地山河舞舌底中
原草木腥養就禍胎身始去依然鍾阜向人青

冬雷行

三月廿八雪十月十九雷日官起歷失氣朔深春
為臘冬為梅衣巾暄淑糝白醖研席昏濕凝青埃
堦頭蠹腮上未已陣陣送雨千峯來水鄉種早場
已築山鄉種晚鎌方催漏天未信解晴否低田芽
茁高田摧老農一飽不自保愁面百摺何當開君
不見太史局申十月雷麥成堆

送郎丞

文炳之桐城

江北江南雪意催半酣椎鼓起征挽銳從猿鶴歸
休去剛被功名引調來破虜檄傳肥水定屯田疏
上皖陂開筆端矍鑠精神在莫只清吟伴老槐

奚左藏

士達挽詩二首

理學不遠復躬行毋自欺志雖千萬往材僅二三
施花竹觥籌密雲山步履遲眇然人物裏公竟止
於斯

平齋文集

卷五

十二

宋集珍
本叢刊

諸老定交早羣兒驚見稀功名身軀積翰墨世傳
衣龜壽前占夢鷗盟晚息機吳頭耆舊盡搔首送
斜暉

次韻可庵梅

點雪非耶果是耶紫千紅萬未曾芽蒼苔有暈龍
鍾樹幽谷無人自在花地暖孤鴻來索伴天空雙
鷺下通家詩翁快整春風脚山路霜泥踏馬牙

叩杖次韻

槎使携歸餉老人高稜踈節屈中伸撥開豺虎憑
陵氣攝取蛟龍變化身訪洗頭盆還喜健伴行脚
笠未嫌貧一般仙骨清如鶴倚看滄溟解起塵

平齋文集

卷五

十三

宋集珍
本叢刊

晴甫叔挽詩二首

南渡幾年裏深山誰力書獨君酣百戰許我丐三
餘參斗明燈燼湖江渴硯蜍斯人猶不第天理竟
何如

撰屨西山路尋春得重陪那知分手去不作轉頭
來寂寂雙溪雪依依半樹梅經行陳迹在橫涕濕
蒼苔

夢中和人梅詩山礬韻

溪路槎牙木葉乾角聲吹動五更寒踈踈梅藥踈
踈雪一段生綃不用礬

又用韻

竹外橫梢半欲乾透香肌骨不勝寒定知天上梅
花腦不比人間柳絮礬

聞山陽夏全之變

洮湟私牘舊開邊淮楚依然樣子傳抱虎寢蛟心
不保護疽諱蠱禍相挺河流三舍盡人血城闔四
門無竈烟昨夜洗兵盈尺雪華夷齊賀太平年

丁亥歲朝把筆

雞喚璇杓一夜東長天紺碧靜無風年華老子懽
娛裏春事兒曹翰墨中脫雪薺芽盤釘綠晞陽椒
蕾酒行紅赭袍親上慈明冊正想千官會漢宮

三日兄弟侍

老人展墓歸和尊韻

平齋文集

卷五

十四

宋集珍
本叢刊

雲淡風柔霽色輕瀧岡阡上氣和明莫思舊日遨
頭出且試新年便面行飽飯即爲君子泰濁醪不
失聖人清一翁二季春無盡更願諸孫向老成

次韻梅影

白玉堂前絕世容水晶簾薄透重重非僂非鬼樹
明滅似夢似真花淡濃戰照晴波添縹緲佩搖寒
月欠玲瓏一番青子成陰後却笑癡兒認舊蹤

春雪

甲子乾飛雨元宵濕墮星風柔行陣陣月淡下亭
亭木筆侵凌碧來牟掩映青東皇收拾急暖漲赴
滄溟

招隱三章贈李洋

自號同初子

雲氣歛兮天目之顛，
濤江綫橫兮海門濺。
濺扶桑子半兮陽鳥翩，
可俯而掬兮燕以天井無聲之泉。
子其隱乎吾與子兮拾荃。

雲氣冒兮天目之趾，
疊湫歛薄兮洞石齒齒列缺。
正晝兮睡蛟起可仰而擾兮浴以天河倒流之水。
子其隱乎吾與子兮采芷。

雲氣吐吞兮天目之腹，
乳潭沉沉兮鴨潭煜煜徐伍朝往而暮來兮雙碧鹿可挽而舞兮侑以天風。
步虛之曲子其隱乎吾與子兮蒔菊。

次韻遊龍門十絕

平齋文集

卷五

十五

宋集珍本叢刊

若木扶桑莫苦攀，芙蓉薜荔不妨閑。
封三萬戶煙雲裏，化百千身水石間。

欲訪天池水發源，倒騎北斗挾飛僊。
高低八節灘頭路，俛仰三生石上緣。

拍手東風喚白猿，劃開元蓋洞天門。
可能路指虛無去，兩脚湏留點地跟。

蒼崖斗立兩扉開，行雨龍歸尚殷雷。
嫋嫋天風瑤草碧，神清依舊鎖樓臺。

武陵溪上迷津處，衡嶽峯頭失道時。
珍重牧兒相指似，隔林招手不吾欺。

飛泉濺雪林華濕，盤石生雲古蘚乾。
早著些詞招

隱去泰山有賊膾人肝

稻花秋晚蟹洗手，薺菜春初錫膠牙。
築底空山誰辦此，留君只有石邊茶。

不提長劍斬江蛟，便揭脩竿釣海鰲。
縱老無成猶自許，一溪流水兩山桃。

不知我者謂何哉，布韞青鞋日日催。
長嘯一聲啼鳥外，朶頤有象著山雷。

平明出去日斜回，小立巖花澗草隈。
光景留連非我事，此心曾點漆雕開。

挽阮開之

窮達皆歸命，虧成不掛心。
醉餘便腹睡，棋罷掉頭吟。

吟孔雀門闌舊，驪駒院落深。
可堪重剝啄，寂寂杏花陰。

花陰

柳

天機日與物華新，嫋綠柔黃觸撥人。
精采只消些子雨，腰肢無着許多春。
興亡螢苑迷樓夢，榮辱孤山麴院塵。
醒眼年來渾看破，萬緣分定不須瞋。

杏

萬山築底作春妍，一樹繁紅直幾錢。
深院日長來燕後，平池水暖浴鵝天。
弦歌禮樂詩書地，榜帖功名富貴天。
兒輩對花湏自勉，莫教空惱少陵顛。

柳用前韻

平齋文集

卷五

十六

宋集珍本叢刊

苑彼烟絲一樣新依然面目我陳人只疑大造元
無物豈料深山亦有春盡日三眠渾得意隨風萬
舞不驚塵長短短亭前路肯與渠儂管笑顰

上巳呈子有

隔水梨花豪放盡安排鼠耳到庭槐十分春事杜
門過百色老懷中酒來聞麗人行頭輒掉見蘭亭
帖眼還開碧衫玉唾餘醺晚更倩詩翁着句催

顏延年三月三日率爾成詩前詩重韻
太率可笑

過盡風波灩澦堆一開無夢到宮槐迎頭寒食清
明近入手櫻桃芍藥來率爾成詩聊意達快然自

平齋文集

卷五

十七

宋集珍
本叢刊

足亦顏開期君曲水芳林序花裏傳宣火急催

百舌

飛上三足鳥喚起百舌鳥鼓弄林杪春瀾鬪屋頭
曉氣吞黃栗留勢挾秦吉了向人售嘈雜司物窘
煎炒轉頭芳意歇噤喙青陰悄

晚食

從來此腹負將軍淡飯投壘現報身三月不曾知
筍蕨夢魂敢到水晶鱗

次韻茶蘼二絕

瓔珞垂垂萼綠華光明淡竚自成家枕幃醞藉風
流足甘放朝來被底衙

愛春留得瓊英在添竹扶將翠蔓高更著金沙相
間種主人四壁錦周遭

官採木

深山風雨幾百秋直干雲漢大蔽牛輪困離奇中
尺度一旦出應天家搜山摧浪壓斧斤下橫亘十
畝眠蒼虬白頭地主坐歎息物囿於數吾何尤爲
言此殆有天幸如拔萃渭歸商周棟梁未央坐萬
乘柱石明堂朝諸侯老翁聞語輟然起致祝切莫
去作昭陽梳洗樓

楊花

舊雨人無半迹來惺惺獨坐眼慵開却嫌飛絮猶

平齋文集

卷五

十八

宋集珍
本叢刊

多事點破門前一徑苔

春禽雜言

倉庚倉庚集谷之苕謂汝也幽而豈其喬勃鳩勃
鳩有安斯巢矜婦之功不念鵲勞決決杜鵑念歸
何悲豈知汝歸不如未歸翩翩元鳥羣雛相依羽
毛浹矣同乳異飛負陰抱陽均此一氣孰使然哉
淒其永懷

次徐雲叟賦桃源無腳橋

經始西風八月秋桃花春漲已無憂橫飛閣道虛
空度直放銀河自在流倚岸斜看疑是洞循坡穩
上認爲樓遍行吳蜀今纔識却笑浮橋謾造舟

次韻映山紅

燧人鑽榆出新烟，烟光濕雨山蒼然。黃鸝怯寒噤，未語有喙三尺惟啼鵲。血流染花不知數，赤霞爛熳橫丹天。前山後山列錦障，上澗下澗敷金蓮。海棠無香許流亞，石榴有豔疑烟連。目光遠送空翠表，勝處正在繁芳邊。七香寶車果安在，東風老去空華顛。

送監丞家同年守簡池三十韻

去年爲君來，明廷峙鸞鵠。今年爲親歸，蠶市苦思蜀。扶輿出脩門，萬里宛在目。大江六月寒風飽，帆數幅金山如幽人杜蘅繚荷屋，采石如壯士鐵騎。

平齋文集

卷五

十九

宋集珍本叢刊

明鑒續五老烟光開九華，雲氣矗如王公大人冠冕而佩玉。大孤猶介甚赤壁，清曠足黃鶴。俠者流雋放不容束，東英雄古荊州。霜月耿喬木，寂寞三閭亭。風露落秋菊，陽臺峰十二森拱。峽江曲高標聳赤松，絕槩凜孤竹。或如漢汲黯抗直敢振觸，又如唐真卿峻絜不受辱。瞿唐灩澦堆一柱，軋坤軸潰城睢陽孤。鉤黨林宗獨，水石明邊酌蘋蓼。佳處宿寬作幾月程，迎面峨眉綠世道淡有味。人生平爲福，江山無愧容。草木有餘馥，試劍信雄拔。易簡更清沃，虎蛇方橫道。有此廉平牧，相如駟馬貴。長孺一翁禿，明河隔黃姑。碧落杳飛鶩，獨復即無妄。多

識廼大畜歲晏以爲期，仁亦在乎熟木末老芙蓉。闌干深首宿郵籤，莫厭婁瑟憫尉淇奧。

浮玉道士琴

老蟾亭午潭澄陰，雄虬怒吼雌虬吟。空巖納息耳應心，寫之以神寓之音。大音激越風振林，細音窈眇雲起岑。天機不動天和深，非虧非成非古今。博山一點蓬萊沉。

山中吟

幽居多暇，曠括黃庭內篇賦。山中吟，俾善琴者倚操而歌之。

藥珠閑居，作七言琴心三疊，爲舞胎僊呼吸日。

平齋文集

卷五

二十

宋集珍本叢刊

月下上雲烟，兮回紫抱黃入丹田。一面宗泥丸，六府主丹元。七蕤應兩扉，九微徹三關。明堂闕虎章，玄闕森龍幡。素衣翠重裏，朱帶綠華裙。上有黃裳子，丹兮常在兩眉端。欲求泥丸滿，直湏丹元存。靈臺貯清明，太極涵胚脾。升坎降離，凝正一而融三。五兮付之靈堅，童子王池太和宮，重樓十二環兮。蘭闌朱鳥白石源，兮潺湲專閉御景而握固兮。嗽咽金液，溉靈根，胎津溢而琅英飽兮。積精累氣而成真，高研恬淡兮。道之園，物物不干兮。泰而平身披鳳衣，銜虎符兮。控駕三素躡飛霞而升廣寒，東西兩目兮。倚天木陰陰兮，泉涓涓一唱三歎兮。玄

鶴下其蹠躑八景二十四真兮吾亦不知其然而然

損戒 二首

河魴行水底志在全其生縋綆激使怒拍浮拾彭亨觸來不自制天君失和平懲忿當如山一靜弭陌爭

野虞雉為媒穀穀雌召雄陰機發翳綠碎迸錦纈紅耳目誘於物顛倒不有躬室慾當如澤涵淳清鏡空

引鏡

水白深還黑山黃遠自青紛然無定色何者是真

平齋文集

卷五

二十一

宋集珍本叢刊

形不壞只太極長存惟六經莫疑晨鏡裏鬢添換

星星

苦笋

臨軒解褐賜湯沐一節兩節水蒼王氣嚴慣嘗志士膽格高厭食太官肉此君可人如西湖荷邊冰簟三更鋪心知爽快不宜過柰此風月人間無

丁謂

鶴相專朝巧萬般中書位子太山安沂公冷眼旁邊看機會來時隻脚趂

欽若獎丁丁陷若謂之厚演演擠丁勢交利合皆如此說與金陵老子聽

食糟行

龍州石秫七斗醪百錢半升官價高村民無分酒到吻清晨荷薪爭博糟得糟還家喜欲舞遠汲淡煮燃松毛藪資麥餅澁難下藉此燕送如葷臊我時作守輒自愧每飯釜有羹堪輟罷官兩夏肉入務食糟却如住百牢紛綸王縷芼葱蔞深晃漾珠滴霑麻膏多從未破甑頭留間入半折鐺中爇王瓜未甲蒿苣老芬美獨擅盤殮豪饒奴停匕朶子餒一鋪七八譏何饕太平無事稱意飽竹床大鼾枕離騷客來闌戶口尚臭錯疑被酒醺陶陶我亦為言恰夢金絲帳底斟羊羔

平齋文集

卷五

二十二

宋集珍本叢刊

五月庚申夢人相指為馬周且誦詩兩

句覺而足之

伸縮一雙手去來三世身新豐驚昨夢斗酒滿懷春

苦笋用前韻

林谷迎梅新雨沐和細熟煮琅玕玉籜龍別種富風味鱖魚同科少肌肉吾廬兩山介宜湖綠陰門徑楊花鋪攻苦食淡父子俱笑看兩孫指之無人

和曾

天象

白氣一抹蚩尤旗南斗北斗天兩垂西方熒惑耀

芒角初月吐魄來食之去年天象已可駭今年天象更可疑春王正月暨三月黑氣幾度摩晨曦銅盤亭亭慘且淡鐵鉞拍拍合復離沙盆貯水靜照影眼亂兩日謹童兒移時妖氛漸引卻赤光如血鋪庭墀家無占書瞻休咎但効嫠婦顰雙眉昨朝忽見邸狀報詔荅丞相辭公師首言金烏効祥瑞變我愁蹙成愉怡玉堂學士天下選王治有象非吾欺東淮西蜀狗鼠賊看折尺箠從頭答

用虞提刑剛簡見寄詩韻荅之

有美人兮古錦官落花芳草幾憑欄紛紛世故肱三折忽忽年華指一彈詩到考槃須熟講易於未

平齋文集

卷五

二十三

宋集珍
本叢刊

濟莫輕看門前尺雪清燈夜尚欲從公扣兩端雞鳴而起一般時舜跖殊途覺與迷此理天無分厚薄乃心人自眩東西柴門風雨榴花老草巷烟霏燕子低玉汝有書來萬里聖賢不泰不栖栖

次韻夏日

乍晴雲更黑頻冷日如青飽飯真成蠹幽居又見螢燈光翻露柱琴疊舞黃庭猛作逃儒去沉酣幾箇醒

瀑布

白龍飛出翠雲堆不見源頭只見來勢有盛衰惟視雨聲無高下盡成雷誰教河鼓翻將落我欲陽

侯挽取回東陌西阡分港去豐年入眼稻花開

狐鼠

狐鼠擅一窟虎蛇行九達不論天有眼但管地無皮吏鴛肥如瓠民魚爛欲糜交征誰敢問空想素絲詩

次韻高夢

隰莊照眼似舡窻只欠沙頭野鴨雙花引棹垂丹作佩葉扶節起翠爲幢婦收滋味歸羹鼎兒挹馨香赴酒缸老我爲渠牽牛夢白蘋風冷釣煙江

示諸兒

徂徠古君子涇渭何太明一姦衆稷契詩作奇禍

平齋文集

卷五

二十四

宋集珍
本叢刊

萌姦人擠之死既死氣未平銳欲剖其棺謂北走猶生妻子坐凍餒不斷啼號聲富韓各分俸買田活其嬰吾疏視彼詩歷數羣公卿觸怒非一竦舉朝眼瞠瞠所賴天子聖不死五鼎烹斤歸天目下石田力躬耕田少食指多讀書飢鳶鳴此身不足憂憂我身後俾富韓不常有勉哉自玉成忍貧知好脩道在困亦亨

續夢

造化有真機寒暑不停軸秋風促絡緯春雨鳴播穀一氣臂屈伸萬事手翻覆得牛或貽災失馬詎非福七侯梁冀誅三妹國忠族鼎貴正酣豢旁窺

已魚肉自古聖賢徒不耻貧賤辱忠信以爲寶豈第而干祿但信命行藏不計得遲速泰極必否剥爛乃爲復一理無間斷九卦要精熟夢起獨忘言窓前數叢菊

淨梵僧頤蒙堂

山下有雷頤山下出泉蒙主靜山之體養正靜之功閑閑六窓明寂寂萬籟空坐觀鼻端白巖花自春風

讀漢書

漢衰元帝爲優游成帝荒淫更可憂論說金華風過耳山河大柄醉中休

平齋文集

卷五

二十五

宋集珍
本叢刊

六月二十八日入朱陀山寺

決決巖下泉翛翛竹間路破寂孤蛸吟送暝疎鐘度箇裏欲求心應生無所住

促織

一點光分草際螢縹緲車未了緯車鳴催科知要先期辦風露飢腸織到明
水碧衫裙透骨鮮飄搖機杼夜涼邊隔林恐有人聞得報縣來拘土產錢

荅子有

高吟梁甫卧隆中眼底驚駘不足空清白自將千古月溫涼不定六時風交梨火棗根苗長翠竹黃

花信息通樓外秋鶯強饒舌笑人遲却黑頭公

用韻荅游司直侶見寄

道在皇王帝霸間古今同是一人寰不愁垂白三千丈獨喜飛黃十二閑晚桂薦花熏鼎古寒松墮子茗甌斑山中風味無人會賴得新詩起老頑

龍池沙漲

龍徙三湫宅山飛百道洪雲車風馬去福地洞天空蒼莽渾沙積崎嶇沒徑通等閑陵谷變驚倒白頭翁

平齋文集

卷五

二十六

宋集珍
本叢刊

平齋文集卷第五

平齋文集卷第六

詩五

秋半聞鶯

木葉青黃幾粟留盡情啼破兩山幽怕人冷落生
秋思故作春聲爲遣愁

夕陽

百丈崗頭路淪涼步夕陽石芒輕放屨草英緊牽
裳深紫猴檀熟疎紅馬蓼荒牧兒良得意吹笛下
牛羊

讀書螻室

扁爲孜禪作侵尋二十年屈伸聊復爾倪仰故依
平齋文集

卷六

宋集珍
本叢刊

然直榻無餘地橫窓不欠天焚香長誦罷風雨響
山川

秋山即事

避俗鹿挺走依僧龜深藏淡中般若味定後摩尼
光壞垣被雜卉爛熳野媪裝叢薄鳴幽禽凄抑怨
女吭桂謝紅不墜菊繁青已香瘖蟬怯露葉忙蜂
急寒芳艸芊鶯護乳拳栗蛸脫芒荏蒨藿甕綠粟
登釀芻黃田父時泥飲樵夫間談王意適兩賢屏
神王三仇攘龍耶老聃化鳳芳接輿狂翠磴千仞
表西風吹我裳

方氏棣華桂叢亭各一首

一忍來百順寸私生萬殊能思根共出自愛鄂相
扶夜雨平生約春風盡日娛幾家燃豆泣知愧春
令無

天上廣寒種人間方寸栽田三和氣溢實十慶源
開色閱風霜在香包月露來八窓秋競爽堪覆掌
中杯

送黎德升出守眉州

伯登

霜隼健毛骨冥鴻高羽翰來遲懷去速退易挽留
難文物聲明郡中和孝友官大馮棠蔭在多放一
分寬

同是鄆城客對床如弟兄秋風雙鬢改落日寸心

平齋文集

卷六

宋集珍
本叢刊

明終古方書在隨時局面更公餘經濟學講貫不
嫌精

晨起

入夜風收雨遲明暖釀霜人窮髻易白地瘦葉先
黃繡眼語叢竹畫眉啼斷崗炊烟猶未動吾亦起
歌商

敬和 老人秋日山行

湍險中回棹寬平處整駮雲峯環六六禪板占三
三地冷梅枝北天空鴈影南真觀觀自性危坐讀
書龕

和子有雨中述懷